

莆陽黃仲元四如先生文藁

莆陽黃仲元
四如先生文
藁

四部叢刊三編集部

上海涵芬樓景印北
平圖書館藏明嘉靖
刊本原書板高二十
一公分寬十四公分

有宋福建莆陽黃仲元四如先生文藁前序
莆前一輩四如黃先生爲名進士爲經學老
師爲詞章大家數異時艾軒翁以經學鳴遭
際阜陵致身法從莆士之談性理者率皆其
徒二劉後人則有若樗庵翁以詞章著穆陵
脊之厚當兩制躋文昌莆士之工詞章者多
師之若四如翁則瓜山先生之嫡孫行家庭
師友究之經學邃矣演迤而爲詞章汪洋大

肆若記序若碑銘若題跋蒼然之光淵然之色未嘗求合於古也而制雅未嘗務去陳言也而意新未嘗求異於人之說也而自不能不異蓋以詩書禮易春秋爲之本而旁推交通若國語之博離騷之幽太史公之潔無不備焉昌黎所謂仁義之人其言藹如者也違世屏居戶屨常滿使其逢則旃厦扉垣蓋先生券內物惜乎兼經學詞章之長而卒不施

宰物者孰從詰之哉吾又觀於莆有夾漈鄭
漁仲先生白首窮經尤精於史學鄉也雖以
布衣召而終老丘園爲可恨四如翁不爲艾
樗之顯甘同漁仲之晦然位雖不顯而書則
傳身雖晦而名則彰通志之行夾漈之顯也
文集之傳四如翁之顯也士君子患無令名
之難窮達顯晦不足計也夫不在其身必在
其子孫公之子子材學世其家而文彪於時

今爲長汀郡模以翁與予咸淳辛未歲聯榜
帖稗翁之文若干篇將鋟而傳之不鄙囑予
叙予於翁何能爲役辭不獲命乃喟然曰翁
之文傳則湛輩亦托不朽幸也遂忘其僭而
爲之叙云

元至治三禩清明後一日前進士清源傳定
保書

有宋福建莆陽黃仲元四如先生文藁前序
濂成童時即讀四如先生諸經說見立論精
微鑿鑿過人遠甚未嘗不慕豔之稍長歷求
先生之事蹟然後志其淵源之所自而凝道
之有方也蓋先生居莆陽唐御史滔之十二
代孫世爲儒家其父績師事瓜山潘公柄復
齋陳公宓二公實考亭朱子勉齋黃公之高
弟子也先生夙承父訓年十二試舉子業鄉

校多占前列後二十九年始擢咸淳辛未進士第調監瑞安府比較務未上名公鉅卿爭聘之爲講師而丞相江公萬里挽之尤力聲譽翕然動於一時德祐乙亥冬始之官與簽樞陸公秀夫遇陸公一見極器之明年丙子杭都已涵國事不可爲陸公趣先生至行都充益王府撰述官兼處置使司幹辦公事改刑工部架閣以通直郎陞武學諭遂轉朝奉

郎國子監簿蕪福建路招捕使司都叅議官
先生皆辭不就宋旣改物歸隱重山密林不
與世接四方有受學者先生爲敷繹濂洛關
閩之說而開導之其爲文辭務以理勝不暇
如他文士馳騁葩藻以爲工而當時求者紛
如也門人武夷詹清子類次六經四書講義
爲六卷刊之先生之子元汀州路總管府知
事梓又分記序墓銘字訓之屬爲五卷而刊

之先生年八十二而終遺文流落於薦紳者
尚多其曾孫鄉貢進士至又裒聚為十卷將
刻諸梓介楚王府伴讀陳子晟徵濂為叙以
傳濂聞濂洛中徵考亭未興艾軒林公光朝
獨倡道莆陽從者如歸市江泉東井之學乃
聞於天下網山林公亦之實紹艾軒之傳網
山之後樂軒陳公藻又起而繼之樂軒家長
樂網山居福清咸來講學東井而風聲所被

氣澤所薰人皆有鄒魯之行及乎瓜山復齋
之起推闡考亭經訓東西角立化行而教敷
文質尤彬彬可觀先生產於艾軒之鄉耳目
之所濡染固已先立乎其大者復因父師之
教矻矻窮年遂探考亭之正緒則其所著皆
六經之微旨所宣皆天地之秘藏有未涯涘
者奈何道未及行而宋祚已移識者不能不
爲之惜先生之所蘊與不可傳者固已隨物

俱化若併其遺文同就泯滅不亦重可惜哉
先生之子若孫孜孜以傳世爲務可謂不死
者矣濂年耄而昏避求文者若避讐敵甚不
得已多令學子代之今以童年慕豔之久勉
循至等所請而躬叙之如此然先生之集自
能行世亦不藉區區之文而后傳也先生黃
氏諱仲元字善甫名淵字天叟號韻鄉老人
云

洪武八年秋七月己未朔翰林侍講學士中
順大夫知制誥同修國史兼

太子贊善大夫金華府宋濂謹序

有宋福建莆陽黃仲元四如先生文藁目錄

卷之一

夢筆記

族祠思敬堂記

學稼軒記

半山精舍記

葯房記

居安堂記

小孤山記

一粟窩記

劉氏厚堂記

委成齋記

讀書堂記

還笏樓記

孝節郭公祠堂記

仙遊縣學尊道堂記

莆田縣廟學聖像記

自得齋記

虛已遊世之堂記

箕谷記

昭武危西仲寄傲軒記

命隱室記

灌畦記

愚丘記

二友亭記

意足亭記

萬竹胡希道見思堂記

劉氏復本堂記

尹氏萃貞堂後記

東塾書房記

魚我亭記

南劒路新社稷壇記

將樂縣桃源橋記

聖塾順濟祖廟新建蕃釐殿記

張天師正殿記